

# **IMAQARNILIAQ Kommunalbestyrelsi 05-04-2022**

**Ulloq ataatsimiiffissaq**    Tirsdag 05. april 2022 kl. 16:00

**Ataatsimiiffissaq**        Kommunalbestyrelsip ataatsimiittarfiani

## Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ukioq atuarfiusoq 2020/2021 pillugu atuarfiit ataatsimoorlutik pitsaassuseq pillugu nalunaarusiaat..	8
2021-mi Tunumi nunaqarfinni neqeroorutiniq ulluuneranilu paarsisartunik nakkutilliineq.....	11
Kommunimut pilersaarummut tapiliussamut siunnersuut 2D2-2 Iggiaa.....	15
Kommunimut pilersaarummut tapiliussamut siunnersuut 4B1-2, Naternaq, Nuuk.....	18
Ittoqqortoormiini B-22-p eriagisaanerata atorunnaarsinneqarnissaanik siunnersuut.....	21
Kommunalbestyrelsimut Aqutsinermi Ileqqoreqqusaq.....	24
Sanarfinermut Avatangiisinullu Ataatsimiititami ilaasortat amerlineqarnissaanut atatillugu ilaasortat	27
Kommunimut pilersaarummut tapiliussap 3A9-1 Nuussuup Manngua, Nuuk, akuersissutigineqarne	29
Kommunimut pilersaarummut tapiliussap 4B7-1, Niaqornannguaq Nuuk akuersissutigineqarnera....	32
Kommunimut pilersaarummut tapiliussap N1-1 – Utoqqarmiut Kangerluarsunnguani erngup nuking	35
Aqqusinersuarmi Qitiusoqarfimmut pilersaarut, Nuuk.....	38
Utoqqaat kisimiittut pulaarneqartalernissaat.....	41
Lukket.....	44
Imaqarniliap akuerineqarnera.....	45

# Punkt .: Saqqaa

## Ilaasortat

Charlotte Ludvigsen (IA)  
Juaaka Lyberth (IA)  
Uju Petersen (IA)  
Avaaraq S. Olsen (IA)  
Inge Olsvig Brandt (IA)  
Naya-Sophia Lyberth (IA)  
Mia Skifte Lynge (IA)  
Lone Rosengreen Pedersen (IA)  
Harald Bianco (IA)  
Justus Hansen (D)  
Poul Petersen (D)  
Inga Dóra G. Markussen (S)  
Dorthe-Marie Mogensen-Fontain (S)  
Peter Davidsen (S)  
Mala Høy Kúko (S)  
Laura Táunâjik Uitsatikitseq (S)  
Dines Mikaelson (S)  
Ken Madsen (N)  
Finn Karlsen (N)

## Beslutning

### Ataatsimeeqataasut:

Charlotte Ludvigsen (IA)  
Juaaka Lyberth (IA)  
Uju Petersen (IA)  
Avaaraq S. Olsen (IA)  
Naya-Sophia Lyberth (IA)  
Lone Rosengreen Pedersen (IA)  
Justus Hansen (D)  
Poul Petersen (D)  
Inga Dóra G. Markussen (S)  
Dorthe-Marie Mogensen-Fontain (S)  
Peter Davidsen (S)  
Laura Táunâjik Uitsatikitseq (S)  
Ken Madsen (N)  
Finn Karlsen (N)

### Attaveqaatitigut peqataavoq:

Inge Olsvig Brandt (IA)  
Mia Skifte Lynge (IA)

### Ataatsimeeqataasinnaanatikf nalunaartut:

Harald Bianco (IA)  
Mala Høy Kúko (S)  
Dines Mikaelson (S)

Marie Uitsatikitseq (S) -imut sinniisuuvoq Mala Høy Kúko (S)

## **Punkt .: Oqaluuserisassat akuerineqarneri**

### **Beslutning**

Oqaluuserisassat akuersissutigineqarput.

# Punkt .: Nalunaarutit

## Beslutning

### Borgmesterimit nalunaarutit:

#### Sap. Ak. 8:

**24. februar:** Ilulissani borgmesteri ataatsimeeqatigineqarpoq.

**26.-27. februar:** PKG, Naalakkersuinikkut aqutsisoqatigiit Aasianni ataatsimeeqatigiipput.

#### Sap. Ak. 9:

**2. marts:** Mælkebøtte Centret Tusass-imiit frimærkimik Kronprinsesse Maryp 50-nik ukioqalernerani assinganik saqqummersitsineranut nalliuttorsiortoqarpoq.

**4. marts:** Ilinniartitaanermut, Kultureqarnermut, Timersornermut Ilageeqarnermullu Naalakkersuisoq, Peter Olsen, Savimminilerinermik Ilinniarfik, Katuaq, multeværksted, aamma piorsarsimassuseq pillugu atuartitsisalernissamik aallusserusunneq ataatsimiissutigineqarpoq.

#### Sap. Ak. 11:

**15. marts:** Ministeriuneq Mette Frederiksen, Kusernermut pulaaqatigineqarpoq.

**17. – 22. marts:** Aningaasaqarnermut Inuussutissarsiutinullu Ataatsimiititaq Paamiunut paasisassarsiorluni angalaarpoq. Tikeraarnermi ataatsimiititaq naliginnaasumik ataatsimiippoq, taamatuttaaq Kommunip suliffeqarfiutaai (Atuarfik Tuiisaaq, Klubbi Kalaaleq, Meeqqueriviit Miki & Meeraq, Utoqqaat Illuat Puilasunnguit, Qalulerivik, Neqitsersuivik aammalu Sannavik) ulluni taakkunani pulaarneqarlutik paasisassarsiorfigineqarput. Paamiuni Inuussutissarsiuqarnermi ataatsimiititaq aamma ataatsimeeqatigineqarpoq taamatuttaaq Innutaasut pissarsiaqarfiulluarmut ataatsimeeqatigineqarlutik. Angalaneq naggaserlugu Royal Greenland aammalu Imarsiornermik Ilinniarfik aamma pulaarneqarput.

#### Sap. Ak. 12:

**23. marts:** Kommuneqarfik Sermersuumi Najukkami ataatsimiititaliat sisamat ukiumoortumik ataatsimeeqatigineqarput. Najukkami ataatsimiititaliat ukioq kingulleq 2021-mi naammassisimasaat aammalu ukioq manna 2022-mi suliniutissaat saqqummiunneqarput. Qiningaaffiup iluani politikkikkut suliniutit uanniit saqqummiunneqarput taamatuttaaq qinikkat, najukkami ataatsimiititaliat innuttaasullu Kommuni pitsaanerusoq qanoq suleqatigiinnikkut pilersinneqarsinnaanersoq oqaloqatigiinneqarpoq.

**24. – 28. marts:** Københavnimi aammalu Årshusimi Karriemesse-mut peqataaneq. Karriemessip siunertaraa kalaallit ilinniartut ilinniarnep naammassineqarata kingorna amerlanerusut Kalaallit Nunaanut utertarnissaat taamatuttaaq Kommuneqarfik Sermersuup suliffeqarfittut nittarsaanneqarnissaa aammalu praktikkernissamat, specialimik suliaqarnissamat naggataagullu aasaanerani suliffissanik periarfissat paasisutissiissutigineqarput.

#### Sap. Ak. 13:

**30. marts:** Nunaqarfimmi Aqutsisut siulitaasui ataatsimeeqatigineqarput. Ataatsimiinnermi oqaluuserineqartut ilagaat Nunaqarfimmi Aqutsisut maajip 23.-24.-ani Nuummi isumasioqatigiisinneqarnissaannut qulequttat sammineqarumaartussat.

**1. april:** Meeqqanut, Inuusuttunut, Ilaqutariinnut Naalakkersuisoq Paneeraq Olsen ataatsimeeqatigineqarpoq.

Taamatuttaaq nalunaarutigaa juni Inoqarfiit pillugit isumasioqatigiinnissamat aggersaneqarsimanini aamma nalunaarutigaa.

### **Meeqqanut Atuarfeqarnermullu Ataatsimiitami siulittaasoq Juaaka Lyberth (IA)**

Tasiilami nunaqarfinnilu ilinniartitsisussaaleqineq tunngatillugu aasarumut 40-ut amigaatigileqalertussaapput, Tasiilamilu 30 amigaatigineqalissallutik. Ingerlatsivimmi aammalu ataatsimiitami aqqiissutissanik ujartuillutik masakkut

sulilerput. Taamatuttag suliniutit soorlu Naasunguaq aammalu KRAP ingerlanneqarlutik. Suliniutit maannamut aaqqiissutissanik aammalu piffissaq ungasinnerusooq eqqarsaatigalugu ingerlanneqarput. Politikikkut aqqissut decentral læreuddannelse Tasiilami atuussinnaasumik aqqiissutigineqarsinnaanera ujartorneqarpoq, taamatuttagq periarfissanik allanik ujartuisoqartariaqarumaarluni.

Nuummi meeqqerivik nutaaq pisortatigut ammaanersiorneqassaaq 8. april 2022.

### **Meeqqanut Ilaqutariinnullu ataatsimiititami siulittaasoq Avaaraq Olsen (IA).**

Oqartussaarfimmit/sullissisoqarfimmit 2021-mit aqqiissuuseqqinneq nalilersorneqarsimavoq, iluarsaassereerermilu aqqiissuussineq massakkut inissippoq. Maajimit oqartussaaffeqarfiup immikkoortortaarfia Suleqatigeerujussuanngortinneqarpoq, marlunnik immikkoortumi aqutsisoqalerluni, marlunnik suleqatigiinni aqutisulik 20-nillu sullissisulik.

Tamanna suliasatigut aqqiiniarnermi ataqatigiissitsinerulissaaq, sulianillu agguataarinermik kiisalu aqutisut akornanni suliasatigut aqqiiniarnermi naliigiissitsinerulerluni.

Tasiilami saliineq suli ingerlavoq.

31.3.22-mit Inuusuttunik Sullissivik matoqqagallarpoq ullunilu taakkunani atorneqarsinnaassanani, kommunip Isumaginninnermut Aqutsisoqarfiup piimasaqataa malillugu Meeqqat angerlarsimaffia Prinsesse Margrethep satellitillu Nasippip tigusissaat naammassisinnaanngimmagu.

Kuserneq anisitsiartuaarnissamut immikkoortoqalerpoq, ilaqutariit annertussusaat apeqqutaatillugu ilaqutariinnit ataatsimit marlunnilluunniit inissaqarsinnaasumik. Massakkut ilaqutariit ataatsit nuunnikuupput ilutigalugulu meerai angajullinerusut pingasut angerlarsimaffiup avataanut inissinneqarsimasut angerlartinneqarlutik. Tamanna iluatsittutut taaneqarsinnaavoq, ilaqutariimmi Kusernermi iluatsittumik katsorsartereerlutik meeqqaminnik allanittaagq isumassuisunngorsinnaalersimammata. Ilaqutariit arfiniliusut massakkut ataatsimooqqilerput.

Siusissukkut iliuseqartarfik Ivaag Narsaviaq 26-mi ininut nuunneqarpoq. Taamaalilluni Kuserneq inissaqarnerulerpoq, Ivaarluni sullitaminut qaninnerulerluni, amerlanerpaartaat Nuussuarmi najugaqarmata.

Nuummi ornittagaq ukiumi ataatsimi ammasimalerpoq, tamatumunngalu atatillugu suliniummik nalilersuinermik atuisunik misissuinerulimmik aallartitsivugut.

Nuummi Tasiilami Qimarnguik marsip aallartinneraniilli arnanik meeqqanillu ulikkaaqqavoq.

### **Sanarfinermut Avatangiisinullu Ataatsimiititami siulittaasoq Justus Hansen (D)**

#### **Sanarfinermut Avatangiisinullu Ingerlatsivimmut tunngasut:**

Sanarfinermut Avatangiisinullu Ingerlatsivimmi pisortatut atorfiit pingasut (Stabimi pisortaq, Sanarfinermut pisortaq Upalungaarsimanermullu pisortaq) marsip naanerata tungaanut inuttassarsiuunneqarnikuupput, atorfiillu ingerlaavartumik inuttalersorneqassapput.

#### **Ingerlatsineq avatangiisillu:**

- Ukiup immikkoortuani aputaajaaniarneq apinerujussuaq pissutigalugu assut ajornakusoorsimavoq. Tamanna najugaqarfinnut tamanut atuuppoq. Suliat ingerlanerinnit kinguaattooruteqartitsisimavoq.
- Kuuffinnut tunngatillugu pumpestationit arlallit ingerlatsinikkut ajornartorsiorsimapput. Nuummi pumpestationit 20t akornanni amerlasuut taarsersorneqarnissaat naatsorsuutaavoq. Pumpestationinut pumpinik pisinissaq katillugit 4 mio. kr-nik akeqassaaq.
- Najugaqarfinni arlalinni puttasut sikumit aserorneqarsimapput, aserfallatsaaliinissamut kontumut sunniuteqartussamik.
- Najugaqarfinni tamani aasaanerani suliasanik (aqqusinernik nutarsaanerit) pilersaarusiorneq aallartilluareerpoq.
- Nuummi mittarfissap kujataata tungaa asfaltilersorneqassaaq atorneqalerlunilu, taamaattumillu asfaltilersuinissap ingerlanneqarnissaanut piffissalersuineq annertoq pilersaarusiorneqarpoq.

#### **Sanaartornermut Immikkoortortaarfik:**

Ukioq manna sanaartugassatut pilersaarutit nutaat massakkut pilersaarusiorneqaleruttorput aamma/imaluunniit neqeroortitsissutigineqaleruttorlutik. Kommunip illuutaanut tunngatillugu aserfallatsaaliuinermi suliasat ukioq manna

allaffissornikkut pilersaarusioneqarput, taakkulu ukiup immikkoortua apeqqutaatillugu ingerlaavartumik aallartinneqartassapput.

Ukiuni kingullerni illuutit aserfallatsaalineqarnerinut tunngatillugu Paamiuni atuarfik immikkut qitiutinneqarlunilu ukkatarineqarnikuuvoq. Nutarterineq taanna massakkut naammassingajalerpoq.

**Pilersaarut:**

Oqartussap piffissaq takornariat amerlanerpaaffigisartagaat piareersarfigaa. Suliniutitut nutaatut soqutiginnittut iluameersumik qinnuteqaateqartoqannginnerani *oqaloqatigeeqqaarnissamut* qaaqquneqartarnissaat aallartipparput. Matumani aalajangersakkat tungaasigut paatsoortoqartarnerata annikillisaanissarput, atortussat naammattut pissarsiarinissaat qinnuteqaatillu sorliit pilersaarummut tunngatillugu qinnuteqaatigineqarnissaat pillugu oqaloqatiginninnermik aallartitsinissaq anguniarneqarpoq.

Ilutigalugu qinnuteqarnermi immersugassat ajornannginnerulersinneqarnissaat paasiuminarsarneqarnissaallu sulissutigineqarpoq.

# **Punkt 1: Ukioq atuarfiusoq 2020/2021 pillugu atuarfiit ataatsimoorlutik pitsaassuseq pillugu nalunaarusiaat**

## **Beslutning**

Ilisimatitsissut tusaatissatut tiguneqarpoq.

## **Bilag**

Ukioq atuarfiusoq 2020/2021 pillugu atuarfiit ataatsimoorlutik pitsaassuseq pillugu nalunaarusiaat

## **Ukioq atuarfiusoq 2020/2021 pillugu atuariit ataatsimoorlutik pitsaassuseq pillugu nalunaarusiaat**

Ilisimatitsissut

SagsID.: EMN-2021-12236

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### **Suliamik saqqummiussineq**

Atuarfik pillugu Inatsisartut inatsisissaattut siunnersuut nr. 15, 3. December 2012-imeersumi § 49 naapertorlugu atuariit immikkut ukiumut atuarfiusumut qaangiuttumut ukiumoortumik pitsaassuseq pillugu nalunaarusiortassapput. Taassuma ilaatigut imarisassavai ukiumi atuarfiusumi kingullermi nukarlerni akullernilu misilitsinnerni angusat, angajullerni inaarutaasumik misilitsinnerni angusat, agguaqatigiissillugu klassini atuartut amerlassusiat, piffissaq atuartitsineranut atorneqartoq il.il.

Meeqqanut Atuarfeqarnermullu Ingerlatsivimmi Atuarfeqarnermut Immikkoortortaq atuariit namminneq ukiumoortumik pitsaassuseq pillugu nalunaarusiaat tunngavigalugit kommunimi atuariit tamarmik pillugit ataatsimoorussamik ukiumoortumik pitsaassuseq pillugu nalunaarusiortarpoq.

Matumani Kommuneqarfik Sermersumi atuarfeqarnermut tunngasuni pitsaassuseq pillugu nalunaarusiaq ukiumut atuarfiusumut kingullermut takussutissiamik, ukioq atuarfiusoq 2020/2021-mut atuariit namminneq pitsaassuseq pillugu nalunaarusiaannik eqikkaanermik kiisalu immikkoortunik pingaarnernik nassuiaatinik imaqarpoq. Tamatuma saniatigut nalunaarusiap naggataani atuarfeqarnermut tunngasuni suliniutit ineriartortitsinissamullu suliniutit, ingerlanneqartut imaluunniit ukioq atuarfiusoq kingullermi aallartinneqarsimasut, pillugit takussutissamik imaqarpoq.

Meeqqanut Atuarfeqarnermullu Ingerlatsivimmit ataatsimoorussamik pitsaassuseq pillugu nalunaarusiornerminut atatillugu Kommuneqarfik Sermersuumi pingaartumik akullerni misilitsinnermit inernernit 7. klassit matematikimi angusaat appasippallaartut naammaginaratillu, paasineqarpoq. Tamanna pillugu ingerlatsivimmit fagi matematik sukannersumik eqqumaffigineqassaaq, akullernilu angusat pitsaanerulernissaat anguniarneqassaaq.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaataitallit**

- o Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq



### **Siusinnerusukkut aalajangiineq**

*Meeqqanut Atuarfeqarnermullu Ataatsimiititaq, 02.03.22:*

Ilisimatitsissut tusaatissatut tiguneqarpoq.

*Aningaasaqarnermut Inuussutissarsiornermullu Ataatsimiititaq, 17.03.22:*

Ilisimatitsissut tusaatissatut tiguneqarpoq.

### **Ilanngussaq**

1. Ukioq atuarfiusoq 2020/2021 pillugu atuarfiit ataatsimoorlutik pitsaassuseq pillugu nalunaarussiaat

## **Punkt 2: 2021-mi Tunumi nunaqarfinni neqeroorutinik ulluuneranilu paarsisartunik nakkutilliineq**

### **Beslutning**

Ilisimatitsissut tusaatissatut tiguneqarpoq.

## 2021-mi Tunumi nunaqarfinni neqeroorutinik ulluuneranilu paarsisartunik nakkutilliineq

Kuummiini, Sermiligaami, Isertumi, Tiilerilaamilu nunaqarfinni neqeroorutinik aamma Kulusummi ulluunerani paarsisartunik nakkutilliineq

Ilisimatitsissut

SagsID.: EMN-2021-16766

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Ilisimatitsissut

Aningaasaqarnermut Inuusutissarsiornermullu Ataatsimiititap Kommunalbestyrelsimut inassuteqaatigaa:

- 2021-mi Tunumi nunaqarfinni neqeroorutinik ulluuneranilu paarsisartunik nakkutilliineq pillugu ilisimatitsissut tusaatissatut tiguneqassasoq

### Suliamik saqqummiussineq

Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersumi § 5, imm. 2 naapertorlugu, kommunalbestyrelsip meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai. Meeqqanik angerlarsimaffimmi paarsisoqartillugu, ukiumut sisamariarluni nakkutilliilluni orninneqartassapput, taakkunanngalu ataasiarluni siumoortumik nalunaaqqaarani nakkutilliisoqartassalluni.

Kommuneqarfik Sermersooq meeqqanut suli atualingitsunut perorsaanikkut inerikkiartuutaasunik arlalinnik paaqqutarinninnissamut neqerooruteqarpoq, tasanilu Ulluunerani paaqqinnittarfinnut Immikkoortortaqaqarfimmit 2021-p ingerlanerani nakkutilliineq ingerlanneqarpoq.

### *Nunaqarfinni neqeroorutit aamma angerlarsimaffinni paarsisarnermik aaqqiineq*

Nunaqarfinni neqeroorutit meeqqanut ukioqanngitsuniit arfinilinnik ukiulinnut atuupput, taakkulu nunaqarfinni atugassarititaasunut naleqqussagaapput. Taakku Kuummiini, Sermiligaami, Isertumi aamma Tiilerilaami atornerput. Neqeroorutini taakkunanani sisamani ulloq 17. decembari 2021-mi katillugit meeqqat nalunaarsimasut 25-upput. Kuummiini meeqqat nalunaarsimasut qulingiluaapput, sulisullu marluk atorfinitsinneqarsimallutik. Sermiligaami aqqaneq-marlunnik meeraqarpoq marlunnillu sulisoqarluni. Ingerlatsivimmit sulisunut pingasunut periarfissanik misissuisoqarpoq. Isertumi meeraq nalunaarsorsimasoq ataasiuvoq, sulisorlu ataaseq atorfinitsinneqarsimavoq. Tiilerilaami meeqqat nalunaarsorsimasut pingasuupput, sulisorlu ataaseq.

Angerlarsimaffimmi paarsisarneq meeqqanut ukioqanngitsuniit arfinilinnut ukiulinnut neqeroorutaavoq. Kommuneqarfik Sermersuumi Kulusummi angerlarsimaffimmi paarsisarnermik aaqqiissummik ataatsimik peqarpoq. Meeqqat illumi ataatsimi, kommunimit angerlarsimaffimmi paarsisartunut atugassiissutigineqarsimasumi, paarineqartarput. Kulusummi angerlarsimaffimmi paarsisarnermik aaqqiissummi meeqqat nalunaarsorsimasut quliupput. Angerlarsimaffimmi paarsisarnermik aaqqiissummi sulisut amerlassusilerneqarneranut tunngatillugu angerlarsimaffimmi paarsisumut ataatsimut meeqqat sisamaassapput.

Nunaqarfinni neqeroorutini nakkutilliinerit aqutsisumit aamma/imaluunniit Tasiilami Dronning Ingridip Meeqkeriviani sulisunit, Meeqqanut Atuarfeqarnermullu Ingerlatsivimmi perorsaanikkut siunnersortimut ingerlatiteqqittartunit, ingerlanneqartarput. Tasiilami Dronning Ingridip Meeqkeriviani aqutsisoq ornigulluni nakkutilliartorsinnaanngippat pisoqarpat akuleruttoqartariaqarluni, sulisoq aalajangersimasoq nunaqarfiliartinneqartarpoq. Sulisoq taanna



sumiiffinni killiffimmik suliaqarnermut ikiuutaasarpoq, angajoqqaanik siunnersortimillu ataatsimeeqateqartarpoq.

Ukioq kingulleq Dronning Ingridip Meeqqeriviani aqutsisoq sulinngiffeqalermat, tassanngaanniit aqutsisuugallartut paarlakaassimapput - katillugit pingasut. Nakkutilliinermi aqutsisuugallartoq sulivoq, taannalu ulluinnarni immikkoortumut perorsaanermut siunnersortimik annertuumik siunnersiorneqartarpoq.

2021-mi oktobarip qaammataani Kuummiini, Sermiligaami, Tiilerilaami, Isertumi kiisalu Kulusummi nakkutilliartorluni pulaartoqarpoq. Nakkutilliinerit taakku ulluunerani neqeroorutinut fagchefimit ingerlanneqarput. Kingorna nakkutilliinermut atatillugu nalunaarutit tamarmik aqutsisuugallartumut nassiinneqarput.

#### *Nakkutilliinerit ataatsimut isigalugit*

##### *Sapaatip-akunneranut pilersaarutit:*

Pulaarnerup nalaani sukkulluunniit meeqqanut perorsaanikkut sammisassanut tunngasunik sapaatip-akunneranut pilersaarusiortoqanngilaq. Tamanna ileqquliunneqassasoq fagchefimit piumasarineqarpoq. Paarsisarnermut neqeroorutit tamarmik pulaartoqareernerani skemamik nassinneqarput, taakkulu sulinerminnut atorsinnaassavaat. Taamatuttaaq meeqqanut ineriaarsimasunut piunnaasaateqarnerusunik perorsaanikkut sammisaqartitsisarnissaq piumasarineqarpoq.

##### *Upalungaarsimanermut pilersaarutit:*

Nakkutilliinerni amerlanerni ikuallattoornermi najoqqutassat ersarissimangillat imaluunniit sulisut ilisimasimangilaat. Kingorna fagchefti aqutsisuugallartumut isumaqatigiissuteqarpoq, nunaqarfinnut ataasiakkaanut naleqqussakkanik najoqqutassanik ersarissunik suliaqartoqassasoq.

##### *Illut:*

Kuummiini illup pujoorfia ajoquteqarpoq, tassa imeq isaasarami. Tamanna fagchefip qullersanut attuumassuteqartunut ingerlateqqippaa.

Isertumi kiassaateqarfik aserorsimammat meeraq utaqqiisaasumik angerlarsimaffiup paarsisartup angerlarsimaffiani paarineqartarpoq. Tamanna aamma ingerlateqqinneqarpoq.

Tiilerilaami illu assigiinngitsutigut iluarsaatassaavoq, tamannalu fagchefip teknikimut immikkoortortaqarfimmut ingerlateqqissavaa. Tamatuma saniatigut kuuginnartumik imeerussimavoq ruujorit qerisimammata. Tamanna pillugu sulisut allamut imertartariaqartarput. Taassuminnga isumaginnissinnaasumik maanna pedelimik amigaateqartoqarpoq. Tamanna pillugu sulisoq ataaseq aqutsisuugallartumut attaveqassaaq.

##### *Pikkorissarnerit ilinniagaqarnerlu:*

Sulisut ilaat ilinniartitaanermut Aqutsisoqarfiup (ILA) pikkorissaaneranut peqataasimapput. Ilaatigut *pinnguarnep isumaanik* ilinniartinneqarsimapput. Tunngaviit 1-7-it aamma Kammagiitta ataatsimut isigalugu ilisimaneqarput. Meeqqanik *immikkut pisariaqartitsisunik* tunngasunik pikkorissarnerit kissaatigineqarput.

Tamatuma saniatigut misissuinerimut atortut MIIM 3 aamma 5-ip immersornissaanut ikiuisoqarnissaa sulisunit arlalinnit kissaatigineqarpoq. Tamanna fagchefip Tasiilami aqutsisuugallartumut ingerlateqqissavaa, taanna nunaqarfinni misissuinerimut ingerlatsisimavoq pisariaqartitsinerlu naapertorlugu sulisunik ilinniartitsisinnaalluni. Aqutsisuugallartumut misissuinerit sulisunut utertinneqartuaannassasut erseqqissaatigineqarpoq, taamaalillutik sulisut sapaatip-akunneranut pilersaarutini perorsaanikkut sammisassanik suliaqaraangata atorsinnaassavaat.

**Pissutsit allat:**

Taamaattorli Kulusummi nakkutillineq unitsinneqarallartariaqarsimavoq, paasineqarmat illup isaterneqarnissaa piumasarineqarsimasoq. Meeqqat angajoqqaaminnit aaneqarput fagchefilu aaqiissutaagallartumik ikiuisariaqarsimavoq. Meeqqat tamarmik illutoqqamut utertinneqareerput. Piffissami allami nakkutilliinerup oqarasuaatikkut nangeqqinnissaa isumaqatigiissutigineqarpoq.

**Allat:**

Ingerlatsivimmit Tunumi nunaqarfimmi neqeroorutit tamarmik angerlarsimaffimmi paarsisarnermik aaqiissutinngortinneqarnissaat politikikkut aalajangiiffigineqarnissaa pillugu siunnersuusiortoqarpoq. Taamaalilluni meeqqat ukioqanngitsuniit pingasut tikillugit ukiullit paarineqarnissaanut neqeroorfigineqarsinnaalissapput. Taamatuttaaq nunaqarfimmi angajoqqaat mikisunik meerallit sulisinnaaniassammata ammasarfiit naleqqussarneqassapput.

Ulluunerani neqeroorutinut Immikkoortortaqarfimmit nunaqarfimmi paarsisarnermut neqeroorutinut tunngatillugu nakkutilliinermi assigiissaartumik skemamik peqarsimanngitsoq erseqqissaatigineqassaaq. Maanna suliarineqareerpoq, matumanilu suliassamik saqqummiussinermi ilanngussatut ilanngunneqarluni.

**Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

**Suliffeqarfimmut Kiffartuussivimmit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviusumik uppernarsaatitalit**

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersoq

**Siusinnerusukku aalajangiineq**

*Meeqqanut Atuarfeqarnermullu Ataatsimiititaq, 02.03.22:*

Ilisimatitsissut tusaatissatut tiguneqarpoq.

*Aningaasaqarnermut Inuussutissarsiornermullu Ataatsimiititaq, 17.03.22:*

Ilisimatitsissut tusaatissatut tiguneqarpoq.

**Ilanngussaq**

1. Skema\_tilsynsbesøg i bygdetilbud og dagplejeordninger
2. Tilsynsbesøg Sermiligaaq\_KAL
3. Tilsynsbesøg Isertoq\_KAL
4. Tilsynsbesøg Tiilerilaaq\_KAL
5. Tilsynsbesøg Kuummiit\_KAL

## **Punkt 3: Kommunimut pilersaarummut tapiliussamut siunnersuut 2D2-2 Iggiaa**

### **Beslutning**

Ilisimatitsissut tusaatissatut tiguneqarpoq.

### **Bilag**

Kommunimut pilersaarummut tapiliussassatut siunnersuut 2D2 Iggiaa, Nuuk

## Kommunimut pilersaarummut tapiliussamut siunnersuut 2D2-2 Iggiaa

Ilisimatitsissut

SagsID.: EMN-2022-00902

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

### Inassuteqaat

Aningaasaqarnermut Inuusutissarsionermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### Suliamik saqqummiussineq

Sanarfinermut Avatangiisinullu Ingerlatsivimmit matumuuna kommunimut pilersaarummut tapiliussamut siunnersuut 2D2-2 Iggiaa, Nuuk, matumuuna saqqummiunneqarpoq. Matumani kommunimut pilersaarummut tapiliussassaq immikkoortup sanaartorfingineqannginnissaa aamma sunngiffimmut atorineqanissaa attassiinnarpoq (D), tassaniissinnaappullu sunngiffimmut atorut sukisaarsarfillu (D2). Immikkoortulli immikkoortumi killilerneqarnera nutarterneqassaaq, peqatigitillugulu immikkuualuttunut A-mut aamma B-mut avinneqarluni.

Matumani kommunimut pilersaarummut tapiliussami, 2D2-2, Iggiaa, sanaartorfissat marluk nunniornissamut talittarfiliornissamullu atugassiissutigineqarput. Saniatigut ikaartarfinnik puttasunik kiisalu biilinuq uningasarfeqanissamik periarfissaqassaaq .

Matumani kommunimut pilersaarummut tapiliussami immikkuualuttut marluk sanaartorfissanngortinneqartut:

- Immikkuualuttoq A ikaartarfinnut puttasunut talittarfimmullu atugassanngortinneqarpoq
- Immikkuualuttoq B nunniugassanngortinneqassaaq, umiatsianut puttasunut, talittarfimmut kiisalu biilinuq uningasarfissamut atugassanngortinneqarpoq

### Sanaartorfissiat

Immikkoortup ilaani 2D2-mi sanaartorfissiat marluk atugassanngortinneqarput, taakkulu tulliuttumi erseqqinnerusumik ima nassuiarneqartut:

B1: Talittarfissamut nutaamut atugassanngortinneqarpoq, siunissami umiatsianut puttasut pilersinneqanissaannut aqutissiuisumik.

B2: Nunniorfissanngortinneqarpoq.

Kommunimut pilersaarummut tapiliussassatut siunnersuut 2D2-2 tamanut sapaatip akunnerini 8-ni tusarniaassutigineqarpoq. Tamatuma kingorna tusarniaanermi akissuteqaatit suliarineqassapput, taakkulu iluarsiiisutaasinnaasut allat ilanngullugit inaarutaasumik aalajangiiffingineqannginneranni, politikikkut aappassaaneerneqanissaannut ingerlateqqinneqassapput. Matumani Kommunimut pilersaarummut tapiliussassatut siunnersuutip 2D2-2 akuersissutigineqarneratigut 2D2-1 atorunnaarsinneqassaaq.

## Naalagaaffiit Peqatigiit nunarsuaq tamakkerlugu anguniagaat



Anguniagaq 11: Illoqarfiit najukkamilu inuiaqatigiit piujuartitsisut<sup>[1]</sup> - Pilersaarummut tapiliussap illuliortaatsip qajannaatsup init inissaqarluartut akunnilersorluarsimasullu, piffissap ingerlanerani atortuarneqarsinnaasut ineriartormullu malinnaasut neqeroortigineqarsinnaanissaat qulakkiissavaa.

- Pilersaarummut tapiliussakkut qulakkeerneqassaaq, kikkut tamat isumannaatsumik angallassinnaajuarnissaat illoqarfimmilu sukisaarsaarfissaqqissuni atuisinnaanissaat.



Anguniagaq 12: Akisussaassusilimmik atuneq nioqqutissiornerlu- Pilersaarummut tapiliussap sanaartukkat patajaatsunik, nungullariartoratik piffissap ingerlanerani kusatsikkiartortartunik, sananeqarnissaat qulakkiissavaa.

### Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/10 atorneqartarput.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppersaataitallit

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### Siusinnerusukkut aalajangiine

*Sanarfinermut Avatangiisinullu Ataatsimiititaq 24.02.22:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq, 17.03.22:*

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussamut siunnersuut 2D2-2 Iggiaa, Nuuk, tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

### Ilanngussaq

1. Kommunimut pilersaarummut tapiliussassatut siunnersuut 2D2 Iggiaa, Nuuk
2. <https://kp.sermersooq.gl/aalajangersaanermut-tunngassuteqartoq/inoqarfiit/nuuk/2d2-gl/>

## **Punkt 4: Kommunimut pilersaarummut tapiliussamut siunnersuut 4B1-2, Naternaq, Nuuk**

### **Beslutning**

Ilisimatitsissut tusaatissatut tiguneqarpoq.

### **Bilag**

Kommunimut pilersaarummut tapiliussamut 4B1-2, Naternaq, Nuuk, siunnersuut

## **Kommunimut pilersaarummut tapiliussamut siunnersuut 4B1-2, Naternaq, Nuuk**

Ilisimatitsissut

SagsID.: EMN-2022-00470

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Aningaasaqarnermut Inuusutissarsionermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 4B1-2, Naternaq, Nuuk., matumuuna saqqummiunneqarpoq.

Pilersaaruserfigineqartoq 4B1 Naternaq 8,3 ha-it missaannik isorartussuseqarpoq, qoorortamiilluni immamiit 40 meterit missaannik qatsitsigisumiilluni, Ukkusissat/Store Malenep 800 meterinik portussusillip paavaniilluni. Sumiiffik suliffeqarfiliorfissatut atugassiissutigineqassaaq, soorlu allaffeqarfiit, entreprenøreqarfiit, toqqorsiviit aamma quersuit, assassornermik suliaqarfiit, sannaviit, bussit illutassaat, tunisassiorfiit, angallassissutit, suliffissuit, ilioraaffiit, amerlasuunik pisiniarfiit teknikkikkullu atortulersuuteqarfiit.

Kommunimut pilersaarummut tapiliussami matumani suliniutinik arlalinnik aallartitsisoqarsinnaavoq, inissakillionremik iluaallatsitsisinnaasunik (nunaminertat iluanni aammalumi sanaartorfioqqusaanngitsuni), aputaajaanermut tunngatillugu, biilit unittarfiinut aammalu immikkoortup ilaani isumannaatsumik angallannermut tunngatillugu. Sumiiffik sanaartorfissamik sinneqarunarpoq, taamaattumillu sinaa avalleq atuarlugugu annertusaasoqarsinnaalluni. Nunaminertat qanittuaniittut arlallit nunaminertamik atuinissamik piginnittumit taassuminnga atorineqartut ataatsimoortinneqassapput, suliffeqarfinnut inissiiffissanullu eqaannerusumik inissaqartitsiniarluni.

Nunaminertat kujasissumiittut kommunimut pilersaarummut tapiliussa 4B1-1 akuersissutigineqarmalli annertusineqarnikuupput, mittarfiliornermut atatillugu nunaminertamik atuinissamik akuerineqartunut taartissatut. Angissutsit inissisimaffiillu taamaasillutik pilersaarummut uunga atatillugu nutarterneqassapput.

Immikkoortup ilaata avannamut kangimut sammernгани sanaartorfissiat 30-t angallassissutinut oqimaatsunut inissiiffiliornissamut atugassiissutigineqarput, taakkununnga ilanngullugit usisaatinut bussinullu. Tamaani biilit uninngasarfiinik nutaanik akiliuteqartitsilluni atorineqarsinnaasunik pilersitsineq eqqarsaatigineqarmat.

Siunnersuut tamanut tusarniaassutigineqassaaq sapaatip-akunnerini arfineq-pingasuni.

### **Ingerlatsivimmit aningaasatigut sulisoqarnikkullu naliliinerit**

Kommunimut pilersaarummut tapiliussamik suliaqarneq illoqarfimmi pilersaaruserortumut ataatsimut ukioq naallugu suliffiit 1/3 pisariaqartinneqassasut nalilerneqarpoq.

## **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitallit**

- Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. novembari 2010-meersoq
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukkut aalajangiine**

*Sanarfinermut Avatangiisinullu Ataatsimiititaq 24.02.22:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq, 17.03.22:*

Sanarfinermut Avatangiisinullu Ataatsimiititaq Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussamut siunnersuut 4B1-2, Naternaq, Nuuk tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

### **Ilanngussaq**

1. Kommunimut pilersaarummut tapiliussamut 4B1-2, Naternaq, Nuuk, siunnersuut
2. <https://kp.sermersooq.gl/aalajangersaanermut-tunngassuteqartoq/inoqarfii/nuuk/4b1-gl/>

## **Punkt 5: Ittoqqortoormiini B-22-p eriagisaanerata atorunnaarsinneqarnissaanik siunnersuut**

### **Beslutning**

Ilisimatitsissut tusaatissatut tiguneqarpoq.

### **Bilag**

B-22-ip, Ittoqqortoormiit eriagisaanerata atorunnaarsinneqarnissaanik qinnuteqaat

Allanngutsaaliuisussaanermik nalunaarut 21.04.2021 malillugu qanoq ingerlatsisoqarnissaa pillugu nassuiaat

Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq

Bevaringsvaerdige\_bygninger\_og\_omraader\_oversigt\_jan\_2015

## **Ittoqqortoormiini B-22-p eriagisaaanera atorunnaarsinneqarnissaanik siunnersuut**

Ilisimatitsissut

SagsID.: EMN-2021-16839

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### **Suliamik saqqummiussineq**

Sanarfinermut Avatangiisinullu Ingerlatsiviup Ittoqqortoormiini B-22-p, eriagisaaanera atorunnaarsinneqarnissaanik qinnuteqaammi tunngavilersuutit pingaarnerit matumani saqqummiuppai.

Ingerlatsivik illumik piginnittumit KNI-mit saaffiginnissummik pissarsivoq tassanilu B-22-p isaterneqarnissaa kissaatigineqarpoq.

B-22 ullumikkut allangortitigaavallaartutut paarinerlugaasutullu isikkoqarpoq. B-22-p atorneqarsinnaalersinnissaa akisussaaq, aallaqqaammullu isikkuanut B-22-p eriagisassaaneranut pissutaasumut uterteqqinnissaa suli akisunerussalluni.

B-22 sumiiffimmi C-mi illut allangutsaaliukkat marluk (B-33 aamma B-45) eqqaanni inissisimavoq, B-22-li taakkununga arlaatigut taasarialimmik attuumassuteqartoq ingerlatsivik isumaqanngilaq. B-22 pillugu paasissutissat uppernarsaatillu killeqarput. Taamaammat naliliinermi aallaqqaammut titartakkanit 1939-meersunit assiliasat marluk sanaartornermilu asseq ataaseq, 1984-imi kimmud ilassuserneqarneranit titartakkat aamma ullumikkut qanoq issusianik assit uppernarsaatit tunngaviupput.

Atortunik qulaaniittunik naliliinermi B-22-mi atortut 1939-meersuunersut nalornissutaasimavoq, tassa ullumikkut isikkua aallaqqaammut isikkuanit allaanerujussuummat. Ingerlatsiviup ataatsimut isigalugu B-22 oqaluttuarisaanikkut, atortutigut kulturikkulluunniit naammaginartumik naleqanngitsoq eriagisaaaneralu atorunnaarsinneqartariaqartoq nalilerpaa.

### Suliap ingerlanissaa

- B-22-p eriagisaaanera atorunnaarsinneqarnissaanik siunnersuut Nuna Tamakkerlugu pilersaarusiortarnermut immikkoortortaqaarfimmit susassaqaarfimmut oqartussaasuusumit siumoortumik akuersissutigineqareerpoq, sap.ak. sisamani tamanut tusarniutigineqarnissaa tassani siunertaralugu, tassunga ilanngullugu B-22 pillugu najukkami kommunip allaffiani nalunaarutigineqarnissaa kiisalu sumiiffinni attuumassuteqartuni allagarsiunneqarnissaa
- Tusarniummut akissut Nuna Tamakkerlugu Pilersaarusiortarnermut immikkoortortaqaarfimmi suliarineqassaaq
- Tusarniummut akissutit tiguneqartut tamarmik kiisalu B-22-p eriagisaaanera atorunnaarsinneqarnissaanut tunngavilersuut Nuna Tamakkerlugu Pilersaarusiortarnermut immikkoortortaqaarfimmut nassiunneqassapput. Suliamut atortussat tiguneqartut tunngavigalugit eriagisassaaneramik atorunnaarsitsinissamik imaluunniit attassiinnarnissamik innersuussisoqassaaq

- Nuna Tamakkerlugu Pilersaarusiortarnermut immikkoortortaarfik inaarutaasussamik aalajangiisuusussamut Kommunalbestyrelsimut innersuusiussaaq. Eriagisaaneramik atorunnaarsitsisoqarpat Illoqarfimmik Inerisaanermut immikkoortortaq innuttaasunut aamma susassaqarfimmut oqartussaasumut nassiunneqartussamik nassuiaasiussaaq

### **Ingerlatsivimmit aningaasatigut sulisoqarnikkullu naliliinerit**

Ingerlatsiviup nalilerpaa, suliap ingerlanneqarnerani ukiumut suliarisinnaasat 1/5-ip nalinganik atuiffiussasoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq .

### **Inatsisitigut tunngavissaq allakkallu tunngaviusumik uppernarsaatitalit**

- o Allanngutsaaliuisussaanermik nalunaarut 21.04.2021 malillugu qanoq ingerlatsisoqarnissaa pillugu nassuiaat
- o Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq
- o Illut immikkoortortallu eriagisariaqartut takussutissartaat jan. 2015

### **Siusinnerusukkat aalajangiinerit**

*Sanarfinermut Avatangiisinullu Ataatsimiititaq 24.02.22:*

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut matumuuna inassuteqaatigaa:

- Ittoqqortoormiini B-22-p eriagisaanerata atorunnaarsinneqarnissaanik suliap ingerlateqqinneqarnissaanik ingerlatsiviup inassuteqaataa akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutit ingerlateqqinneqassasoq

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq, 17.03.22:*

Ilisimatitsissut tusaatissatut tiguneqarpoq.

### **Ilanngussaq**

1. B-22-ip, Ittoqqortoormiit eriagisaanerata atorunnaarsinneqarnissaanik qinnuteqaat
2. Allanngutsaaliuisussaanermik nalunaarut 21.04.2021 malillugu qanoq ingerlatsisoqarnissaa pillugu nassuiaat
3. Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq
4. Bevaringsvaerdige\_bygninger\_og\_omraader\_oversigt\_jan\_2015

## **Punkt 6: Kommunalbestyrelsimut Aqutsinermi Ileqqoreqqusaq**

### **Beslutning**

Justus Hansen (D) suliamut attuumavallaarluni ataatsimiinnermit anivoq.

Inassuteqaat akuersissutigineqarpoq, imatut aaqqiissutitalerlugit:

- Aalisarnermut piniarnermullu aammalu nunalerinnermut tunngasunut allafissorneq Aningaasaqarnermut Inuussutissarsiornermullu Ataatsimiititap (§ 9) suliassaqqarfianiikkunnaarlutik Sanarfinermut Avatangiisinullu Ataatsimiititap suliassaqqarfianut nuutinneqassapput (§ 12)
- “Destination East Greenlandip sullissinissamik isumaqatigiissuteqqarfiginera” peerneqarnissaa akuersissutigineqassasoq (§ 9) kalaallisuuani aqqinneqassasoq.

Siumumit ataatsimiinnerup siuliani ikinnerussuteqqartutut oqaaseqaat attatiinnerneqarpoq.

### **Bilag**

llanngussat 1. Kommuneqqarfik Sermersuumi Kommunalbestyrelsimi Aqutsinermi Ileqqoreqqusaq

# Kommunalbestyrelsimut Aqutsinermi Ileqqoreqqusaq

Aalajangiiffigisassaq

SagsID: EMN-2021-11031

Suliffeqarfimmi Kiffartuussineq - Kommunaldirektør Ole Jakobsen/ OJAK

## Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Kommunalbestyrelsimi aqutsinermi ileqqoreqqusaq inaarutaasumik akuersissuteqassasoq

## Suliassamik saqqummiussineq

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 1, imm. 2 naapertorlugu Kommunalbestyrelsimut kommunip aqunneqarneranut malittarisassat, tassunga ilanngullugu borgmesterip suliassai, aqutsinermut ileqqoreqqusani aalajangersarneqartassapput. Aqutsinermut ileqqoreqqusassamut siunnersuutit aamma ileqqoreqqusamut atuuttumut allannguutissatut siunnersuutit kommunalbestyrelsimi sivikinnerpaamik ullunik 14-inik akuttussuseqartumik marloriarlugit suliarineqassapput.

Aqutsinermut ileqqoreqqusap imarisaa naleqqussarneqarpoq Kommunalbestyrelsip februaarip ulluisa 22-anni 2022-mi aalajangernera malillugu. Kommunalbestyrelsip aalajangiuppaa, pitsaaliuinnermut tunngasut Meeqqanut Atuarfeqarnermullu Ataatsimiititamut nuutinneqassasoq, Sanarfinermut Avatangiisinullu Ataatsimiititaq pitsanngorsaaffigineqassasoq aalisarnikkut, piniarnikkut nunalerinikkullu aammalu ataatsimiititami ilaasortat marlunnik ilaneqassasut aammalu innarluutilinnut tunngasut ataatsimoortinneqassasut Suliffeqarnermut Isumaginninnermullu Ingerlatsivimmut, taavalu ataasiinnarmik saaffiginnittarfeqarnissaq piviusunngortinneqassasoq. Tamatuma saniatigut Kommunalbestyrelsip aalajangerpaa, Destination East Greenland-imut kiffartuussinissamik isumaqatigiissutissatut siunnersuut itigartitsissutigineqassasoq.

Taamaattumik aqutsinermi ileqqoreqqusami makkua allanngortinneqarput:

- Sanarfinermut Avatangiisinullu Ataatsimiititami ilaasortat tallimaniit arfineq marlunnut allanngortinneqassapput (§§ 5 aamma 12)
- Aalisagartassiissutinik agguataarineq aammalu piniarnermut, aalisarnermut nunalerinnermullu tunngasunik tusarniaanermut akissutinik suliaqarneq Aningaasaqarnermut Inuussutissarsiornermullu Ataatsimiititap (§ 9) suliassaqarfianiikkunnaarlutik Sanarfinermut Avatangiisinullu Ataatsimiititap suliassaqarfianut nuutinneqassapput (§ 12)
- Piginneqatigiilluni inissialiortitsineq aamma 20/20/60 Sanarfinermut Avatangiisinullu Ataatsimiititamiit Aningaasaqarnermut Inuussutissarsiornermullu Ataatsimiititamut nuunneqassasoq (§ 9)
- Aningaasaqarnermut Inuussutissarsiornermullu Ataatsimiititap ataani ilanngunneqarpoq ataatsimiititaq "piginnettunut periusissiuassasoq kiisalu kommunip ingerlatsiviini siulersuisunut ilaasortanik inassuteqartassasoq" (§ 6 imm. 14)
- Destination East Greenlandip sullissinissamik isumaqatigiissuteqarfiginera akuersissutigineqassasoq (§ 9)
- Pitsaaliuineq Meeqqanut Ilaqutariinnullu Ataatsimiititamiit (§ 10) nuutinneqassasaaq, Meeqqanut Atuarfeqarnermullu Ataatsimiititamut (§ 13)
- Meeqqanut annertuumik innarluutilinnut tapersersuineq Meeqqanut Ilaqutariinnullu Ataatsimiititamiit (§ 10) Suliffeqarnermut Isumaginninnermullu Ataatsimiititamut nuutinneqassasaaq (§ 11).

Aqutsinermut ileqqoreqqusaq Kommunalbestyrelsip immikkut ittumik 2022-mi marsip ulluisa 14-ianni ataatsimiinnermi oqaluuserineqarpoq taamatullu isikkoqartillugu akuersissutigineqarluni.

Aqutsinermi ileqqoreqqusaq Kommunalbestyrelsimi aappassaaneerluni, sivikinnerpaamik ullunik 14-inik akunnilerlugit, oqaluuserineqareerpat aqutsinermi ileqqoreqqusaq ataaseq Naalakkersuisunut nassiunneqassaaq.

### **Inatsisitigut tunngavissaq allakkallu tunngaviusumik uppernarsaatitalit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Kommunalbestyrelsimi Aqutsinermi Ileqqoreqqusaq

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Siusinnerusukkut aalajangerit**

Kommunalbestyrelsip immikkut ittumik ataatsimiinnerani 14.03.22-mi:

Inassuteqaat akuersissutigineqarpoq.

Ikinnerussuteqartut oqaaseqaataat: Aqutsinermi ileqqoreqqusap allanngortinnissaanut siunnersuutit Piginneqatigiilluni inissialiortitsineq aamma 20/20/60 atorlugu inissialiortitsinermut tapiissutit minillugit Siumumit akuersissutigineqarput, pissutigalugu kommunalbestyrelsimi siunnersuutit politikikkut isumaqatiginninniutigineqarnikuunngimmat. Allanngortitsinermi aningaasatigut sulisoqarnikkullu kingunerisassai aamma aalajangernikkut innuttaasunut qanoq kinguneqassasoq ersarissarneqanngilaq

Justus Hansen (D) immikkoortup oqaluuserineqarnerani peqataanngilaq.

### **Ilanngussat**

1. Kommuneqarfik Sermersuumi Kommunalbestyrelsimi Aqutsinermi Ileqqoreqqusaq

## **Punkt 7: Sanarfinermut Avatangiisinullu Ataatsimiititami ilaasortat amerlineqarnissaanut atatillugu ilaasortanik nutaanik marlunnik toqqaaneq**

### **Beslutning**

Suleqatigiit siulliit (IA, N, D) Finn Karlsen (N) ilaasortassatut toqqarpaat sinniisoralugu Ken Madsen (N).

Suleqatigiit siulliit (S) Dines Mikaelen (S) ilaasortassatut toqqarpaat sinniisoralugu Laura Taunajik Uitsatikitseq (S).

# Sanarfinermut Avatangiisinullu Ataatsimiititami ilaasortat amerlineqarnissaanut atatillugu ilaasortanik nutaanik marlunnik toqqaaneq

Aalajangiiffigisassaq

SagID.: EMN-2022-02885

Suliffeqarfimmi Kiffartuussineq - kommunaldirektøri Ole Jakobsen / OJAK

## Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- suleqatigiit siulliit (IA, N, D) Sanarfinermut Avatangiisinullu Ataatsimiititami ilaasortat amerlineqarnissaannut ilaasortamik kiisalu sinniisumik ataatsimik toqqaassasut
- suleqatigiit siulliit (S) Sanarfinermut Avatangiisinullu Ataatsimiititami ilaasortat amerlineqarnissaannut ilaasortamik kiisalu sinniisumik ataatsimik toqqaassasut

## Suliassamik saqqummiussineq

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 26 naapertorlugu Kommunalbestyrelse aamma ataatsimiititalianik ataavartunik pilersitsisinnaavoq, taakkualu katitigaaneri oqartussaaffeqarfiilu aqutsinermut ileqqoreqqusami aalajangersarneqassallutik.

Kommunalbestyrelsimi Aqutsinermi Ileqqoreqqusami allannguutit (2022) malillugit, Sanarfinermut Avatangiisinullu Ataatsimiititami ilaasortanik marlunnik ilallugu allilerneqassaaq (§§ 5 aamma 12).

Ilaasortat nutaat marluk kommunalbestyrelsimut ilaasortat akornannit qinerneqassapput Ataatsimiititani ataavartuni ilaasortanut tamanut sinniisussamik qinersisoqartassaaq, taakkualu ilaasortaasup najuussinnaannginneranni ataatsimiititami ataatsimeeqataasinnaanngorlugit ataatsimiigiaqquneqartassapput.

## Ingerlatsivimmit aningaasatigut sulisoqarnikkullu naliliinerit

Ataatsimiititami ilaasortat amerlineqarnerat ataatsimiititap angalasarnerinut atatillugu aningaasaqarnikkut annikinnerusumik kinguneqassaaq. Ataatsimiititaq siunissami siunertamut ukiumut 75.000 koruuninik amerlanerusunik pisariaqartitsissasoq nalilerneqarpoq. Tamanna 2022-mi piviusunnagussaguni, 2022-mi kingullermeertumik ilassutitut aningaasaliissuteqarnermi ilanngunneqassaaq.

## Suliffeqarfimmut Kiffartuussivimmit aningaasatigut naliliineq

Pisariaqanngilaq.

## Inatsisitigut tunngavissaq allakkallu tunngaviusumik uppersaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommunalbestyrelsimi Aqutsinermi Ileqqoreqqusaaq, allannguutilik (2022)

## Ilanngussat

Soqanngilaq.

## **Punkt 8: Kommunimut pilersaarummut tapiliussap 3A9-1 Nuussuup Manngua, Nuuk, akuersissutigineqarnera**

### **Beslutning**

Inassuteqaat amerlanerussuteqartunit (IA, N og D) akuersissutigineqarpoq.

Inassuteqaat Siumumit itigartitsissutigineqarpoq.

### **Bilag**

Tusarniaanermut akissutininik suliaqarneq

Tusarniaanermi akissutit tiguneqartut

Kommunimut pilersaarummut tapiliussaq 3A9-1 Nuussuup Manngua, Nuuk

## Kommunimut pilersaarummut tapiliussap 3A9-1 Nuussuup Manngua, Nuuk, akuersissutigineqarnera

Aalajangiiffigisassaq

SagsID: EMN-2021-12734

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### Inassuteqaat

Aningaasaqarnermut Inuusutissarsiornermullu Ataatsimiititap Kommunalbestyrelsimut inassuteqaatigaa:

- Kommunimut pilersaarummut tapiliussaq 3A9-1, Nuussuup Manngua, Nuuk, akuersissutigineqassasoq

### Suliamik saqqummiussineq

Sanarfinermut Avatangiisinullu Ingerlatsiviup kommunimut pilersaarummut tapiliussaq 3A9-1 Nuussuup Manngua, Nuuk, matumuuna saqqummiuppaa. Kommunimut pilersaarummut tapiliussaq siunnersuutitut sapaatip-akunnerini arfineq-pingasuni tamanut tusarniaassutigineqarpoq, piffissami novembarip ulluisa 15-ianniit januaarip ulluisa 19-iata 2022-p tungaanut.

Piffissami tusarniaaffiusumi tusarniaanermut akissuteqaatit arfineq-marluk pissarsiarineqarput, taakkulu oqaaseqatigiinnik annikitsunik allannguuteqartitsinermik kinguneqarput, tamannalu llanngussaq 1-imi takuneqarsinnaavoq.

Kommunimut pilersaarummut tapiliussassami 3A9-1-imi Nuussuarmi inuusuttunut utoqqarnullu naatsorsuussanik inissialiornissamut periarfissiisoqassasoq, taannalu marsip ulluisa aappaanni 2021-imi kommunalbestyrelsimut akuersissutigineqarpoq.

Pilersaarummi immikkoortoq nutaaq inissialiorfissatut immikkoortinneqarpoq 3A9, 3C2 aamma 3C5 ataatsimoortinnerisigut 3A4 aamma 3D1-ip ilaatut.

3C2 aamma 3C5 ullumikkut vandrehjemmiliorfissatut oqaluffiliorfissatullu immikkoortinneqarnikuugaluarput.

3A4 Siaqqinnerup kangiani inissiaqarfiuvoq.

3D1 sanaartorfioqqusaanngilaq, Annersuaq/ Angajua kaajallallugu.

Immikkoortup ilaa nutaaq immikkoortut ilaannut pingasunut agguataarneqassaaq:

Immikkuualuttoq 1: Peter Thårup Høeghip Aqq. kujataata tungaani Nuussullu kitaatungaani inissisimavoq. Tassani sanaartorfissat sisamat tikillugit qulereeqartussanik inissialiorfissat arfineq pingasut immikkoortinneqarput.

Immikkuualuttoq 2: Peter Thårup Høeghip Aqq. avannaata tungaani, tamaani Siaqqinneq allanngortitissaaq kaajallattarissamillu pilersitsisoqarluni. Tamaani sisamanik quleriinnik sisamat tikillugit portussusilinnik inissialiornissamut immikkoortitsisoqassaaq.

Immikkuualuttoq 3: Sumiiffiup Annersuaq/ Angajua avannamut kimmuit ilaani. Tamaani sanaartorfissaq ataaseq immikkoortinneqarpoq, qitiusoqarfimmik sanasoqarsinnaavoq quleriit pingasut tikillugit portussusilimmik.

Pilersaarutitut siunnersuutip tamanut tusarniaassutigineqarneranut atatillugu Biskoppeqarfik, Qeqqata aamma Tunup Provsteqarfia, Ilageeqarnernut Naalakkersuisoqarfik kiisalu pilersaarummik piginnittut ataatsimeeqatigineqarput immikkuualuttup ilaani 3C2-mi oqaluffiliorfissamut pilersaarutit paasiniarniarlugit.

Isumaqatigiissutigineqarpoq immikkuualuttup ilaani 3-mi qitiusoqarfimmut atatillugu oqaluffittut inimik pilersitsinissaq aaqqiissutitsialaassasoq.

Pilersaarummi inissialiornissat saniatigut pineqarput najugallit eqqaamiusalumi sukisaarsarfissaannik pilersitsinissaq. Tassani ilaallutik basketball bane, uninngaarfik kiisalu illu qitiusoqarfik, tassanilu eqqarsaatigineqarluni timersorfissamik sunngiffimmi sammisassanik periarfissaqartitsisoqassasoq, cafe aamma oqaluffimmisulli nalliuttunilu naalagiarfiusinnaasoq.

### **Ingerlatsivimmit aningaasatigut sulisoqarnikkullu naliliinerit**

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq. Sanaartugassatut qinnuteqaatip akuersissutigineqarneranut atatillugu nunaminertamik inniminniineq tunngavigalugu kommunimut pilersaarummut tapiliussa q suliarineqarpoq.

Pilersaarutitut siunnersuummi sanaartorfissagissaanissaq il. il. pilersaarummik piginnittup akilissavaa. Aamma taamaappoq aqquserngup allanngortinneqarnissaanut atatillugu nutaamillu kaajallattarfiliornissamut tunngatillugu.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviummik uppernarsaatitalit**

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukkut aalajangiinerit**

*Sanarfinermut Avatangiisinullu Ataatsimiititaq 24.02.22:*

Inassuteqaat akuersissutigineqarpoq.

Ikinerussuteqarluni Siumumiit oqaaseqaat: Kissaatigissavarput suleriuseq siunissami kikkunnut tamanut assigiissasoq, akerliussuteqarneq qanorluunniit ikkaluarpat.

*Aningaasaqarnermut Inuussutissarsiornermullu Ataatsimiititaq, 17.03.22:*

Inassuteqaat amerlanerussuteqartunit akuersissutigineqarpoq.

Inassuteqaat Siumumit itigartitsissutigineqarpoq.

### **Ilanngussaq**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussa 3A9-1 Nuussuup Manngua, Nuuk
4. <https://kp.sermersooq.gl/aalajangersaanermut-tunngassuteqartoq/inoqarfii/nuuk/3d1-gl/> + <https://kp.sermersooq.gl/aalajangersaanermut-tunngassuteqartoq/inoqarfii/nuuk/3c2-gl/>

## **Punkt 9: Kommunimut pilersaarummut tapiliussap 4B7-1, Niaqornannguaq Nuuk akuersissutigineqarnera**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Kommunimut pilersaarummut tapiliussaq 4B7-1 Niaqornannguaq Nuuk

## **Kommunimut pilersaarummut tapiliussap 4B7-1, Niaqornannguaq Nuuk akuersissutigineqarnera**

Aalajangiiffigisassaq

SagsID.: EMN-2021-12694

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

### **Inassuteqaat**

Aningaasaqarnermut Inuussutissarsionermullu Ataatsimiitap Kommunalbestyrelsimut inassuteqaatigaa:

- Kommunimut pilersaarummut tapiliussassatut siunnersuut 4B7-1 Niaqornannguaq, Nuuk, akuerineqassasoq

### **Suliamik saqqummiussineq**

Sanarfinermut Avatangiisinullu Ingerlatsiviup kommunimut pilersaarummut tapiliussatut siunnersuut 4B7-1 Niaqornannguaq, Nuuk, matumuuna saqqummiuppaa. Kommunimut pilersaarummut tapiliussaq siunnersuutit sapaatip-akunnerini arfineq-pingasuni tamanut tusarniaassutigineqarpoq, piffissami novembarip ulluisa 12-iannit januaarip ulluisa 17-iata 2022-p tungaanut. Piffissami tusarniaaffiusumi tusarniaanermut akissuteqaatit pingasut pissarsiarineqarput, taakkulu oqaaseqatigiinnik annikitsunik allannguuteqartitsinermik kinguneqarput, tamanalu llanngussaq 1-imi takuneqarsinnaavoq.

Kommunimut pilersaarummut tapiliussap Nuummi Atortussiassanik Suliaqarfik, juunip aallaqqaataanni 2021-imi kommunalbestyrelsimut akuersissutigineqartoq periarfissaalersissavaa.

Pilersaarummut ilanngullugu immikkoortup ilaa 4B7 immikkoortinneqarpoq, tassanilu atortussiassanik suliaqarfimmik pilersitsisoqarsinnaavoq, ujaqqanik sioqqanillu tulaassuiffiullunilu nassiussisarfeqassalluni, aserorterveqassalluni aammalu atortussiassanik immikkoortiteveqassalluni, atortussiassanillu assigiinngitsunik inaalitsiviussalluni. Atortussiassat inaalitsivinnut qarmakkanut immikkoortitigaassapput. Tamatuma saniatigut pilersaarummi umiarsualiviliornissaq, illunillu ataasiakkaanik suliffeqarfimmut atasunik sananissaq periarfissaalissaq.

Immikkoortoq ullumikkut inuussutissarsiorfissatut umiarsualiviliorfissatullu immikkoortinneqarpoq, inissisimaffiatalu mittarfittaassap eqqaaniinnera pissutigalugu, soorlu allaffeqarfiliorfissatut assigisaannillu tunngasunik inuussutissarsiuteqarfissatut naleqqutinngitsutut nalilerneqarpoq. Pilersaarummut tapiliussaq illoqarfiit pingaarnersaannut periusissiami Kommunalbestyrelsip takorluukkatut oqaasertaliussaanut pilersaarut, aammalu Nuummi inuussutissarsiuteqarfiit katersuuffissaatut immikkoortinneqartumut pitsaasumik ilassutaasutut nalilerneqarpoq.

Pilersaarummut tapiliussaq Kommunalbestyrelsimut akuersissutigineqassappat, nunaminertamik atuinissaq sanaartornissamullu akuersissut tunniunneqassappat, maani periuseq malillugu.

### **Ingerlatsivimmit aningaasatigut sulisoqarnikkullu naliliinerit**

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq. Sanaartugassatut qinnuteqaatip akuersissutigineqarneranut atatillugu nunaminertamik inniminniineq tunngavigalugu kommunimut pilersaarummut tapiliussaq suliarineqarpoq.

Pilersaarutitut siunnersuummi sanaartorfissagissaanissaq il. il. pilersaarummik piginnittup akilissavaa.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaataatallit**

- Pilersaarusiorneq aamma nunaminertat atorpeqartarneri pillugit Inatsisartut inatsisaat nr. 17, 17. november 2010-imeersoq aamma
- Inatsisartut inatsisaat nr. 34, 9. december 2015-imeersoq
- Kommunitumut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukkut aalajangiineq**

*Sanarfinermut Avatangiisinullu Ataatsimiititaq 24.02.22:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq, 17.03.22:*

Inassuteqaat akuersissutigineqarpoq.

### **Ilanngussaq**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunitumut pilersaarummut tapiliussaq 4B7-1 Niaqornannguaq Nuuk
4. <https://kp.sermersooq.gl/aalajangersaanermut-tunngassuteqartoq/inoqarfii/nuuk/4b4-gl/>

## **Punkt 10: Kommunitum pilersaarummut tapiliussap N1-1 – Utoqqarmiut Kangerluarsunnguani erngup nukinganik nukissiorfik (Buksefjorden), nunaannarmut tunngasoq akuersissutigineqarnera**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Tusarniaanermi siunnersuummut akissut N1-1 - nunaannarmi Utoqqarmiut Kangerluarsunnguani erngup nukinganik nukissiorfimmut tunngasoq



# **Kommunimut pilersaarummut tapiliussap N1-1 – Utoqqarmiut Kangerluarsunnguani erngup nukinganik nukissiorfik (Buksefjorden), nunaannarmut tunngasoq akuersissutigineqarnera**

Aalajangiiffigisassaq

SagsID.: EMN-2021-11073

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

## **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- kommunimut pilersaarummut tapiliussaq N1-1 - nunaannarmi Utoqqarmiut Kangerluarsunnguani (Buksefjorden), erngup nukinganik nukissiorfimmut tunngasoq akuerineqassasoq

## **Suliamik saqqummiussineq**

Matumuuna Sanarfinermut Avatangiisinullu ingerlatsiviup kommunimut pilersaarummut tapiliussaq Utoqqarmiut Kangerluarsunnguani N1-1 erngup nukinganik nukissiorfiliornissaq, (Buksefjorden), nunaannarmiittoq saqqummiuppaa. Kommunimut pilersaarummut tapiliussaq siunnersuutitut sapaatip-akunnerini arfineq-pingasuni tamanut tusarniaassutigineqarpoq, piffissami 29.09.2021-24.11.2021. Piffissami tusarniaaffiusumi tusarniaanermut akissuteqaatit arfinillit pissarsiarineqarput, taakkulu oqaaseqatigiinnik annikitsunik allannguuteqartitsinermik kinguneqarput, kiisalu:

- Iluarsiissuteqarnerit Nukissiorfiit atortuisa periarfissinneqarnissaannut tunngasut, immikkuualuttut ataasiakkaat qanoq periarfissaqarnerinik taakkulu killilersornerinik iluarsiissutaasut ilanngullugit
- Inatsisinik tunngaveqartumik Nunatta Katersugaasivia Allagaateqarfialu (NKA) piunasaqarpoq sanaartortoqarnissaa sioqqullugu immikkoortumi qanganitsanik nassaassaqaarnerisooq misissuisoqaqqaartassasoq. Tamanna NKA-p sanatitsisullu akornanni isumaqatigiissutigineqassaaq

Ilanngussaq 1 Tusarniaassummut akissuteqaatinik suliarinninneq takuuk.

Kommunimut pilersaarummut tapiliussaq una Utoqqarmiut Kangerluarsunnguanni nukissiorfiup, Nuummi innaallagissamik pilersuisup annertusineqarnissaanik Namminersorlutik Oqartussat Nukissiorfiillu kissaataat tunngavigalugu suliarineqarpoq.

Nunataq tamangajammi pinngortitaavoq, immikkoortullu ilaa tamanna immikkoortitaavoq, nunaannartut taaneqartarnera pissutigalugu.

Pilersaarummi matumani Kangerluarsunnguup tasersuata Isortorsuullu tasiata akornanni nutaamik sullorsualiortoqarnissaa periarfissinneqassaaq. Taamaaliortoqarniarpoq nukissiorfiup tamakkiisumik piginnaasaa annertusiniarlugu, taamaasilluni siunissami Nuup inuttusiartornera ilutigalugu innaallagissamik pilersorsinnaaniassammagu. Sullorsualiarineqartussami sullorsuup isuani isaariaanilu erngup isaaffiliortoqarluni aniaffiliortoqassaaq, generatorilerlugu/tankilerlugu mikisunillu sulisut initassaannik sanatitsisoqassalluni (upalungaarsimaneq eqqarsaatigalugu). Kiisalu sullorsuup akunnequtissaa. Aamma sullorsuarnut qanittumi isaarissanut atortunut sinneruttunut atortussaasiviliortoqassaaq.

Pilersaarummut tapiliussami matumani aamma nutaamik nukissiorfiliornissaq periarfissaalissaaq, pioreersumut tapertaasussamik.



Aqquserngit sulinermi atugassatsuliarineqarsinnaapput, aqqutiliat imaluunniit illunut, sanaartukkanut allanullu nunaminertamik atuinernut attuumassuteqartunik, ilanngussami inissisimaffissaa innersuussutigalugu. Sulinermut atatillugu aqquserngit, aqqutiliat aqqusineeqqallu tamanit isumannaatsumik tikinneqarsinnaassapput.

Nunaminertamik atuinissamik qinnuteqarfiusut tamarmik oqartussaaffeqarfimmi tamakkuningga suliaqartartumit tusarniaassutigineqassapput. Tamatumani siunertaalluni, pilersaarutip ASN-mik nassuiaasiornissaq (avatangiisinut sunniutissanik nalilersuineq) imaluunniit pinngortitamut sunniutaasussanik nalilersuinissamut pisussaaffeqartitsineranik naliliinissaq.

Erngup nukinganik nukissiorfimiit sarfaq tamarmi piujuartutut attanneqarsinnaasutullu nalilerneqarpoq. Ilanggullugu oqaatigineqassaaq illut taakkulu ingerlanneqarnissaat innaallagissamik pilersorneqarnermikkut namminerisamik kiassarneqarnermikkut pilersorneqartussaammata.

Kommunimut pilersaarummut tapiliussami matumani nunatap pingaarnertut pilersaarusionerfiginissaanut immikkuualuttunik aalajangersaaffigineqarnissaa ilaatinneqarpoq.

### **Ingerlatsivimmit aningaasatigut sulisoqarnikkullu naliliinerit**

Kommunimut pilersaarummut tapiliussamik suliaqarneq illoqarfimmi pilersaarusionertumut ataatsimut ukioq naallugu suliffiit 1/4 pisariaqartinneqassasut nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaataitallit**

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukkut aalajangiineq**

*Sanarfinermut Avatangiisinullu Ataatsimiititaq 24.02.22:*

Inassuteqaat akuersissutigineqarpoq.

*Aningaasaqarnermut Inuusutissarsiornermullu Ataatsimiititaq, 17.03.22:*

Inassuteqaat akuersissutigineqarpoq.

### **Ilanggussaq**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Tusarniaanermi siunnersuummut akissut N1-1 - nunaannarmi Utoqqarmiut Kangerluarsunnguani erngup nukinganik nukissiorfimmuut tunngasoq
4. <https://kp.sermersooq.gl/aalajangersaanermut-tunngassuteqartoq/nunaannaq/nunaannaq/n1-gl/>

## **Punkt 11: Aqqusersuarmi Qitusoqarfimmut pilersaarut, Nuuk**

### **Beslutning**

Inassuteqaat akuersissutigineqarpoq.

### **Bilag**

CNTRPLN AQQ\_1\_PLAN\_KAL.pdf

## Aqqusinersuarmi Qitiusoqarfimmut pilersaarut, Nuuk

Misissueqqissaarneq aamma oqaloqatigiinnermi atugassaq

Aalajangiiffigisassaq

SagsID.: EMN-2022-01167

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

### Inassuteqaat

Aningaasaqarnermut Inuussutissarsionermullu Ataatsimiitap Kommunalbestyrelsimut inassuteqaatigaa:

- Aqqusinersuarmi Qitiusoqarfimmut Pilersaarut akuersissutigineqassasoq

### Suliamik saqqummiussineq

Nuummi Aqqusinersuarmi Qitiusoqarfimmut pilersaarummi siunertarineqarpoq Nuummi Illoqarfiup Qeqqata siunissami inerisarneqarnera tamakkiisumik pilersaarusiornikkut atukkanut pioreersunut ilanngunneqassasoq qulakkeerniarneqarpoq. Immikkoortoq pineqartoq Nuup illoqarfiata qeqqaniippoq tassaniissappullu atuuffiit assigiinngitsut, illoqannginnersaqarfiit orniginartut aamma ineqartunut immikkoortukkullu angallattunut aqqufit pitsaasut.

Pilersaarut malillugu immikkoortumi misissueqqissaarneq aamma nalunaarsueqqissaarneq pissapput, matumani aqqusineqqat aqquuserngillu, sanaartukkat portussusaat assigisaallu ilanngullugit. Immikkoortup siunertaata paasisimanissaanut aamma pitsaassutsit pioreersut eqqarsaatigalugit siunissamut qanoq ineriartortitsisoqarsinnaasoq eqqaanilu immikkoortut eqqarsaatigalugit tunngaviliivoq. Siunissami sanaartugassat portussusissaat, aqquuserngit qanoq ittuusinnaaneri, illoqannginnersaqarfiit il. il. pillugit siunnersuusiortoqarlunilu innersuussaartoqarpoq.

Allakkiaq una kommunimut pilersaarutissanut immikkoortullu ineriartortinnissaanut pilersaarusiornissamut atugassatut ingerlateqqinneqassaaq. Allakkiartaq atorlugu immikkoortumi nunaminertanik inerisaaqataarusuttutut soqutigisaqaqatigiinnut saqqummiunneqassaaq.

### Ingerlatsivimmit aningaasatigut sulisoqarnikkullu naliliinerit

Pilersaarutip suliarinera ingerlatsivimmi sulisup ukiumut naammassinnissinnaassusiata ingerlatsivimmi pingajorarterutaata naligaa.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppersaataitallit

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq aamma Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### Siusinnerusukkat aalajangiineq

*Sanarfinermut Avatangiisinullu Ataatsimiititaq 24.02.22:*

Inassuteqaat imatut oqaaseqaatitalerlugu akuersissutigineqarpoq: Ataatsimiititamit kissaatigineqarpoq kalaallisut qulequtaa misissorneqassasoq.



*Aningaasaqarnermut Inuussutissarsionermullu Ataatsimiititaq, 17.03.22:*  
Inassuteqaat akuersissutigineqarpoq.

## **Ilanngussaq**

1. Aqqusinersuarmi Qitiusoqarfik

## **Punkt 12: Utoqqaat kisimiittut pulaarneqartalernissaat**

### **Beslutning**

Kommunalbestyrelsen aalajangiinera: Suliffeqarnermut Isumaginninnermullu Ataatsimiititamut siunnersuut ingerlateqqinneqassasoq, tassanilu siunertarineqarluni nammineq kajumissutsimik sulerusuttut suleqatigisinnaanissaanut periarfissat misissorneqassasut aammalu piffini tamani paasisutissat qulaajaarneqassasut periarfissanillu ujartuinissaq siunertaralugu suliaq Kommunalbestyrelsimut ingerlateqqinneqarumaarluni.



## Utoqqaat kisimiittut pulaarneqartalernissaat

Kommunalbestyrelsimut ilaasortamit, Laura Táunâjik Uitsatikitseq (S), Kommunalbestyrelsimut siunnersuut

Aalajangiiffigisassaq

SagsID.: EMN-2022-02678

Suliffeqarfimmut Kiffartuussivik - kommunaldirektør Ole Jakobsen / OJAK

### Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- siunnersuut Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

### Suliassamik saqqummiussineq

Kommunalbestyrelsimut ilaasorta q Laura Táunâjik (S) martsí 20-ianni 2022 aalajangiiffigisassatut siunnersuummik Kommunalbestyrelsimut nassiussivoq. Laura Táunâjik Uitsatikitseq-mit Kommuneqarfik Sermersuup Kuummiini "Immikkoordajinni" sanaartorfissagissarneqarnissaanik allineqarnissaanillu siunnersuut Kommunalbestyrelsimut oqaluuserineqassasoq kissaatigaa

Tunngavilersuut:

*" Utoqqaat kisimiittut angerlarsimaffimmilu allanik ineqateqanngitsut ilaatigut kisimiittorujussuusarput. Utoqqaalli pillugit politikikkut anguniakkagut pillugit qineqqusaarnerit tamaasa pitsanngorsaajumalluta saqqummiussaqaartuaannarpugut. Utoqqaat kisimiippallaat puigortunngornissamut qaninnerulertartut misissuinerit tamanna uppersarparaat. Taamaattumik utoqqarnut atugassarititaasut pillugit pitsanngorsaasariaqarpugut, utoqqalinissaq sioranartuussanngimmat, utoqqalinissarli pilerinartuusariaqarpoq toqqissisimanartumik atugassaqarfiusoq.*

*Ukiut siulii eqqarsaatigalugit ilaqutariit illoqatigiit ataatsimoorfiusarput susassareqatigiinnerlu annertunerulluni. Ullutsinni inooriaaserput ilaqutariitullu atugarisagut allanngorluinnarnikuupput. Tamatuma kinguneraa utoqqaat kiserliortut amerlanerulernikuunerannik, puigortunngortullu amerlanerulernerannik.*

*Taamaattumik utoqqaat kisimiippallaat eqqarsaatigalugit suliffissaaleqisut inulerisinnaasulli suliffissaqartinniarlugit sapaatip akunneranut marloriarluunniit pulaartinneqarsinnaapput, akunnerit marlulluunniit isersimaarfigisinnaallugit. Utoqqaarpoq ilaatigut pisuttuarnissamut, oqaloqateqarnissamullu pisariaqartitsisunik.*

*Susassareqatigiinneq tamatsinnut iluaqutaasoq ujartortariaqarparput, utoqqaat atugaat pitsanngorsarumallugit inuusuttullu suliffissaaleqisut aamma anersaakkut iluaqutigisinnaasaannik utoqqaat tunniussassaqarmata.*

*Majoriaq ataani suliffissaaleqisut atorluarnissaat siunertaralugu pulaartartussanik aaqqissuussineq pilersaarusiorneqarsinnaavoq. Imaluunniit flixjob ataani tulluarsaralugu aaqqissuussineq ineriartortinneqarsinnaavoq. Taamaasillugu utoqqaannaat pissarsiaqarnatik suliffissarsiortutulli oqimaatsulerisinnaanngitsut aamma pissarsiaqaatigisinnaavaat."*

### Ingerlatsivimmit aningaasatigut sulisoqarnikkullu naliliinerit

Utoqqaat kisimiittut kiserliortut qanoq amerlatigineri pillugu misissuisoqarnikuunngilaq taamaattumillu pisariaqartitsinerup annertussusaa nalorniarpoq.

Suliffeqarnermi massakut taamaallaat pingasut isumaginninnermi tunuliaqutaqarput tamarmillu Tasiilamiillutik, sulisinnaanerilu qulakkeerneqarsinnaanani. Taamaattumik atorfiit inuttalersornissaat ajornakusuusaaq. Atorfiit matumani inuttaleruminaassapput, akunnerit neqeroorutigineqarsinnaasussat ikinneri pissutigalugu.

Suliffeqarnermut Isumaginninnermullu Ingerlatsiviup pulaartoqartitsisarnissamik aaqqiissutip, utoqqaq toqqissisimanermik ilisarnartumik qanilaarnermillu misigitinniarlugu, pulaartartussanik allanngujuitsunik aalajaatsunillu neqerooruteqarsinnaanissaa naapertuuttoq nalilerpaa. Tamanna Majoriap sulisut taarseraannerat pissutigalugu neqeroorutigisinnaangilaa.

Suliffeqarnermut Isumaginninnermullu Ingerlatsiviup suliaq peqatigiiffinni soorlu Røde Korsimi, Utoqqaat Peqatigiiffiini kiisalu Tasiilami suleqatigiippugumi kajumissutsimik sulisunit amerlaqisunit pitsaannerusumik ingerlanneqarsinnaalerumaartoq siunnersuutigaa.

Pulaartartoqarneq massakut ingerlanneqanngimmat, aappassaanik ilassutitut aningaasaliissutissat suliarineqarnerini aningaasaliisoqarnissaanik qinnuteqartoqarsinnaasaaq.

### **Suliffeqarfimmut Kiffartuussivimmit aningaasatigut naliliineq**

Oqaaseqaateqartoqanngilaaq.

#### **Inatsisitigut tunngavissaq allakkallu tunngaviusumik uppernarsaatitalit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq  
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput
- Kommunalbestyrelsip suleriaasissaatut aalajangersagaq §3:  
Kommunalbestyrelsimut ilaasortap kialuunniit kommunip susassaarfii pillugit kommunalbestyrelsimut suliaassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffisassatut siunnersuutaagaangat atuutissaaq

#### **Ilanngussat**

Soqanngilaaq.

## **Punkt 13: Lukket**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 13.47.